

UNIVERSITI SAINS MALAYSIA

Peperiksaan Semester Kedua  
Sidang 1988/89

Mac/April 1989

ZSE 383/4 Instrumentasi I

Masa : [3 jam]

Jawab MANA-MANA LIMA soalan sahaja.  
Kesemuanya wajib dijawab di dalam Bahasa Malaysia.

1. Suatu transduser beroutput  $7.5 \text{ mV}/{}^{\circ}\text{C}$  digunakan untuk mengukur suhu sehingga  $200^{\circ}\text{C}$ . Suatu penukar analog-ke-berdigit (ADC) berbit-8 dan 10V rujukan digunakan.

(a) Perkembangkan suatu litar untuk mengantaramukakan transduser dengan ADC itu.

(40/100)

(b) Tentukan resolusi suhu. (20/100)

(c) Tentukan perkataan output ADC berpenghampiran berturutan itu apabila transduser mengukur suatu suhu bernilai  $120^{\circ}\text{C}$ .

(40/100)

2. (a) Julat output suatu transduser ialah 20 mV ke 250 mV. Perkembangkan suatu pensyaratan isyarat dengan menggunakan suatu amplifier pembeza agar julat output menjadi 0 ke 5V. Litar yang direkabentukkan perlu mempunyai impedans input yang amat tinggi.

(40/100)

(b) Apakah syarat untuk konduksi depan suatu rektifier kawalan silikon? Terangkan operasi suatu rektifier kawalan silikon dengan merujuk kepada keadaan padam dan keadaan pasangnya.

(60/100)

...2/-

3. (a) Suatu LVDT digunakan di dalam suatu meterpecutan untuk mengukur sesaran jisim seismos. Gandaan LVDT ialah  $0.31 \text{ mV/mm}$ . Sesaran teras maksimum ialah  $\pm 2 \text{ cm}$ . Jika pemalar spring adalah  $240 \text{ N/m}$  dan jisim teras ialah  $0.05 \text{ kg}$ , tentukan (i) hubungan di antara pecutan (dalam  $\text{m/s}^2$ ) dan voltan output, (ii) pecutan maksimum yang dapat diukur, (iii) frekuensi asli (dalam Hz).

(60/100)

- (b) Jika output suatu meterpecutan ialah  $0.0645 \text{ mV}/(\text{m/s}^2)$ , rekabentukkan suatu sistem pensyaratan isyarat untuk membekal halaju  $2 \text{ mV}/(\text{m/s})$  dan sesaran  $0.5 \text{ V/m}$ .

(40/100)

4. (a) (i) Berpandukan gambarajah skema, huraikan secara ringkas sebuah spektrofotometer dua-alur untuk kawasan infra-merah. Berikan satu contoh pergunaan alat ini.

(40/100)

- (ii) Sesuatu larutan pencelup menunjukkan penyerapan maksimum di  $390 \text{ nm}$ . Kepekatan molar larutan itu ialah  $3 \times 10^{-5} \text{ M}$  dan kehantarannya di  $390 \text{ nm}$  ialah 10% apabila kepanjangan sel ialah  $5.0 \text{ cm}$ . Carilah serapan A dan keserapan a bagi pencelup tersebut jika berat molekulnya ialah 250.

(15/100)

- (b) (i) Perihalkan proses pendarfluor (fluoresens) dan proses pendarfosfor (fosforesens).

(30/100)

- (ii) Lakarkan secara berskema peralatan untuk mengkaji fluoresens dan berikan satu contoh pergunaannya.

(15/100)

5. (a) Bandingkan sebuah mikroskop optik transmisi dengan sebuah mikroskop elektron transmisi, khususnya dari segi susunan komponen dan penggunaan.

(40/100)

...3/-

- (b) Jelaskan makna had penghuraian (resolusi) bagi sebuah mikroskopi elektron transmisi.
- (20/100)
- (c) Huraikan secara ringkas sebuah spektrometer gama yang menggunakan pengesan Ge(Li).
- (40/100)
6. (a) (i) Lakarkan spektrum gama bagi suatu punca  $^{40}\text{K}$  yang diperolehi oleh sebuah sistem pengesan sintilator NaI.  $^{40}\text{K}$  memancarkan sinar gama yang bertenaga 1.46 MeV dengan keamatan peralihan sebesar 10.7%. Terangkan asal-usul bagi puncak-puncak yang diperhatikan di dalam spektrum itu.
- (35/100)
- (ii) Anggarkan dos dedahan gama pada jarak 0.5 m dari suatu punca  $^{40}\text{K}$  yang aktivitinya  $5 \times 10^9$  Bq. Tentukan sama ada dos itu berbahaya atau tidak.
- (15/100)
- (b) Tuliskan nota pendek bagi mana-mana dua tajuk di bawah.
- (i) Kegunaan mikroskop pengimbasan di dalam industri elektronik.
- (ii) Spektrum getaran dari molekul dwiatom.
- (iii) Pengesan bagi sinar beta.
- (iv) Penyerakan Raman.
- (50/100)

- oooOooo -